

გ ა შ ა

ვაშა სინათლეს, მის სხივებს
სიცოცხლის მომნიჭებელსა,
ყინვა-სიცივის დამთურგნელს,
წყვლიადის გამაქრობელსა!

ვაშა მას, ვინც რომ იმისკენ
მიილტვის, მიეშურება,
თავს სწირავს იმის გულისთვის,
ერთგულათ ემსახურება!

ვ. ჩახრუხაძე.

(ნ. ნეკრასოვიდან)

როს ბნელ ქუჩაზე ღამით მომესმის
ქარის ხმა, სიმწრის ამოძახილი, —
ოჰ, მეგობარო, უსახლ-უკარო,
თვალწინ მიდგება შენი აჩრდილი!
ერთათ შევზლიღვართ პატარაობით, —
შავ მოგონებამ დასერა გული, —
შენ მამა გყავდა, კაცი ბოროტი,
ქმარსაც გაყვედი სხვის მოყვარული.
მარადის გიჟმა შენ წარგიტაცა
ვით ქარიშხალმა სუსტი ფოთოლი,
შენ მას გაექვეც და მე წამოწყე,
მარად მტირალი, სულით ობოლი...

ხომ გახსოვს ის დრო, შიმშილ-წყურვილში
დღე-ღამეები რომ გადიოდა,
ცივს, ნესტიანსა ჩვენსა ოთახში
სუნთქვისგან ორთქლი რომ ადიოდა.
ხომ გახსოვს მილის ხმა სევდიანი,
წვიმის შხაბუნი, მკრთალი კანდელი?
ტიროდა შვილი სიცივისაგან,
შენ კი მას სუნთქვით გაუთბე ხელი.
მაგრამ ის მაინც ვერ ისვენებდა,
ღამე ტირილით მან გაატარა —
და განთიადზე, დილის რიჟრაჟზე
გარდაიცვალა შენი პატარა...
საბრალო! ნუ ღვრი მწუხარების ცრემლს,
ხვალ ისევ ტკბილათ, ისევე ღრმათა
ჩვენ ორივენი დავციინებთ და
დაგვასვენებენ აქ მგზობლათა...

ერთ ბნელ კუთხეში კაეშნიანი,
მახსოვს, იდექი გაფითრებული,
გულში იკლავდი იღუმალ აზრსა,
თითქოს ცხოვრებას გამკლავებული...
ვით საქორწინეთ გამოწყობილი,
ოდეს შეიქმნა საღამო ჟამი,
სადღაც წახვედი და მოუტანე

შვილსა კუბო და მამას ვახშამი,
მწვავე შიმშილი ჩვენ მოვიკალით,
შემდეგ შევმოსეთ ძვირფასი შვილი, —
და შავს კუბოში ის ჩავასვენეთ
სადღესასწაულოთ გამოწყობილი.
რამ გამოგვიხსნა? ნუ თუ შემთხვევამ?
შენ ღუმლი, მეცა-გულამოსკენილი!...
სადა ხარ ახლა? ნუ თუ სამარე
და ლოდი გფარავს შენ იღუმალი,
მოგწყვიტა ბრძოლამ შავ ცხოვრებასთან
და წერა ახლა გარდაუვალი?
ვინ-ღა დაგისხნის? შავ სამარეში
განსვენებული ვით-ღა აღსდგება, —
მხოლოდ ჩემს გულში იღვიძებს წყევლა —
და უიმედოთ ისევ ჩაკვდება!

იასამანი,

ქუთაისის ამბები.

უფასო სავალდებულო განათლება. ქუთ.
რეალური სასწავლებლის პედაგოგურ საბჭოს, რო-
გორც შევიტყვეთ, უკვე პრაქტიკული ნაბიჯი გა-
დუდგამს უფასო განათლების პრინციპის განხორცი-
ელებისაკენ. ამ პედაგოგურ საბჭოს დაუდგენია მო-
მავალი ეკენისთვიდან სასწავლო გადასახადი ხუთი
თუმნის (50 მ.) მაგიერ, შვილი თუმანი (70 მ.) გა-
ხადოს დადგენილება მიღებულია თითქმის ერთხმათ,
რადგან თავი შეუკავებია კაც-ნახევარს. იმედია, ის-
ტორია არ დაივიწყებს ქუთ. რეალური სასწავლებ-
ლის პედაგოგების „მოღვაწეობას“ სახალხო განათ-
ლების ასპარეზზე.

ახირებული ჯურის ფუტკარები. ივლისის პი-
რველ რიცხვებში ქუთაისში გაიხსნა იმერეთის სა-
მღვდელოების კრება. კრების უმთავრესი განსახილ-
ველი საგანი შემდეგი იყო: ამ რამოდენიმე წლის
წინათ, ერთ-ერთ მორიგ კრებაზე იმერეთის სამღვდე-
ლოებას ნდობით აღუქურავს სამი ხუცესი (შორაპ.
მაზრ. მცხოვრ.) წერეთელი იაკობაშვილი და
ჯ—აძე.

— სამღვდელოებას მათთვის გადაუცია ათასი
ვერცხლის ქანქარი და უთხოვია: „რომ გაძვალ-ტყა-
ვებულ ხალხს ტვირთი შეგვეშუბუქოთ, საქიროთ
ვცანიოთ თაფლის სანთელი გაიფებულები იქნას. (თქვე
დალოცვილებო ბარემ უფასოა დაურავთ თუ ასეა).
ვინაიდან თქვენ სამი ხუცესი მთა გორიან მრველში
სცხოვრობთ, ასეთ ადგილას კი ფუტკარი ძალიან
ვარგობს, მიიღეთ ეს ათასი ქანქარი, ფუტკარი გა-
აშენეთ, თაფლი გააკეთეთ და ღვთისა და კაცის სა-
სიამოვნო საქმე მოიმოქმედეთო. ე. ი. სანთელი იაფ
ფასში გაგვაყიდეთო.“ ხუცეებს ქანქარი (ათასი) მი-

ულიათ. მას შემდეგ რამოდენიმე წელიწადი გასულა და სამღვდლოება მხოლოდ ახლა გაკადნიერდა და შეეკითხა: „მამანო, რასა იქმან ჩვენი ბუზებიო?“ მამებმა ასეთი შეკითხვა კიდევაც იუკადრისეს და კრებას საყვედურით მიმართეს: „ნუ თუ აქამდი ვერ გაიგეთ, რომ ქალის მთაში (საჩხერეში) ახირებულნი ჯიშის ფუტკრები გამრავლდნენ ამ უკანასკნელ დროს. ამ ახირებულმა ბუზებმა როგორც კი იგრძენეს ღვთის მაგიერ, ადამიანის გაუმადლარი მუცლის გასაბერავათ გვსურდა მათი მოშინაურება, სოფელში ასვლისათნავე გარს შემოგვეხვიენ, ფულეები მოგვტაცეს და ისევ თავიანთ ბინებზე მიიმაღნო. (სამღვდლოება პიჯვარს ისახამს. ხმა ისმის: სწორეთ სასწაულია, მამაო, სასწაულია!) მათ შხამიან ისრებს თავი ძლივს დავახწიეთ და თქვენ ახლა ანგარიშს გვეკითხებიო?“ დაამთავრეს მამებმა. სანმანიანს წინადადება შეაქვს: „დაუყონებლივ „აღრჩეულ“ იქნას კომისია მოიქი-ბოქიო მამებიდან, გაეგზავნოს სპირიტონ მათარაძეს და ეთხოვოს, როგორც გამოცდილ მეფუტკრეს, გამოარკვიოს რა ჯურის ფუტკრებთან ქონია„ საქმე საჩხერელ მღვდლებს მანამდე კი იმერეთის სამღვდლოებას დაურიგდეს ნახევრის ფასათ „შინაური საქმეების“ ნომრები, რომ იქი-ბოქით თავი შეიქციონ.“ კრებამ წინადადება მიიღო.

დიდიმი-კლუბის მოღვაწე. ქუთაისის ვაქარათა კლუბს ამ უკანასკნელ დროს თურმე საოცარი სენი დასჩემებია; დღე არ გაივლიდა, რომ უფულობიდან გულ-დაოსებულ ვაქარებს „ტაბლო“ არ ეთამაშათ. „ტაბლოს“ თამაში კი წესდებით აკრძალული ყოფილა. დიდის, როგორც კლუბის უმთავრეს მოღვაწეს, რამოდენჯერმე გაუფრთხილებია მოთამაშენი, თავი დაენებებიათ „ტაბლოს“ თამაშისათვის. დიდისათვის ყური არვის უთხოვებია მაშინ დიდში „გაკუქებულა“ და დურმიშხანული ხერხისათვის მიუმართავს. პოლიციელები დაუყონებლივ შესულან კლუბში და წესიერება აღუდგენიათ. კლუბის წევრების კრებას მოუსურვებია დიდის კლუბიდან გაძევება. კრებას კალისტრატეც დასწრობია. დიდის კლუბისათვის თავდადებულება მას კრებისათვის საფასებით დაუხასიათებია და წინადადება მიუცია დამსწრეთათვის ბოდიში მოეხადათ დიდის წინაშე. კრებას კალისტრატეს „რჩის“ შემდეგ თავისი განზრახვა უარ-უყვია, დიდისათვის ბოდიში მოუხდევინებია კრების წინაშე და ამით დაკმაყოფილებულა. კიდევ კარგი, რომ ბოლოს მაინც მიმხვდარა თავის შეცდომას კრება და ისეთი კლუბისტი, როგორც დიდია, წვერობიდან არ გამოუარიცხავს...

ღირსეული ჯილდო. იმერეთის სამღვდლო-

ებამ სან-მანიანს იქი-ბოქის წერისათვის და „შინაური საქმეების“ გამოსაცემათ გადაუწყვიტა 4,000 ქანქარი. ამ მამაცხონებულებს დავიწყებით ქართული ანდაზა: ბავშვი რომ შიმშილით კვდებოდეს ტაბლას კარში რა უნდაო. ზემ იაღნიშნული ფული სემენარიის ფონდს შეადგენდა და სამართლიანათ რომ გასჯილიყო სამღვდლოება, სულიერათ დამშეულ შვილებისათვის უნდა დაენიშნათ, რომელთაც წელს სასულიერო სასწავლებელი დაამთავრეს და თფილისის სემენარია კი უსაღსრობის გამო მათ არ ღებულობს. ეტყობა იმერეთის სამღვდლოების იქიბოქია ემჯობინება შვილედის განათლებას.

საკამები პრემიათ. იმერეთის სამღვდლოებაზე თავის მორიგ კრებაზე იმავე სანმანიანს „სულის უკვდავების დამამტკიცებელ ფაქტების“ რუსული წიგნებიდან გადმოიმასქნისთვის პრემიათ დაუნიშნა ასი პარტა სასულიერო სასწავლებლის ქონებიდან. როგორც ხედავთ სამღვდლოებას ღირსეულათ დაუჯილდოვებია „შინაური საქმეების“ **უსაქმო მესა-კურთხე.**

* * *

დღე, ვარდი დაქცნეს, ვარდი კოკობი მწვანე წალოკოტში გადაფუჩკნილი, ჩაქცნეს უდროვით და თან წაიღოს სიმშვენეიერე, ნეტარი ტკიბილი...

კოკობთან ერთად მდელიც გადახმეს, მიდგეს სიცოცხლე ცივ-ბნელ სამარეს და გლოვის ზარი კისკისის ნაცვლად ცამ ჩამოსძახოს ძირს არე მარეს!..

სინათლის ადგილს ბნელი გამეფდეს, ბუღბუღის ნაცვლად ჩხოდეს ყვავი, ქეშმარიტება უფსკრულს შთაენთქოს, ტახტს დამჯდარყოს ბოროტი მწვავი!

დღე, იქ სამსალა ჰქუხდეს, ჩქეფავდეს, სადაც ნეტარი უხვად დიოდა, ბნელეთის კალთა გადმოეფაროს, სით მზე ბრწყინვალე ამოდიოდა!..

დაკრავს საათი და ბნელ მიდამოს კვლავ ელვა სწრაფად თავს გადაურბენს, ახარებს მთა ბარს, რომ მალე დასქექს, თან ჩაიციენებს, ჩაკოცნის, უკბენს...

უკბენს, რომ ძილმა აღარ დაძლიოს, არ მოიხაროს ბედის წინ ქედი და თავის თვალთ იხილოს ელვა ქექა-ქუხილის წინა მორბედი...

გ. მალაქიაშვილი.



ბ ვ ე ლ ე ბ ს *)


ჩანგი აელერდა, ამდერდა,
 გული წაიღეს ჰანგებმა,
 ვერ შეუწყვიტეს ხმა ტკბილი
 მას წამოშლილმა დარდებმა!
 ვერ შეაყენა გრივალმაც,
 ბრძოლაში გამოწრთობილი,
 მღეროდა ჩანგი ჩემს მუხლზე,
 ჩემი სატრფო და ძმობილი!
 მაგრამ უეცრივ სიმები
 შედგნენ, შეთრთოლდნენ მწარეთა,
 ვსთქვი: იქნებ ტლანქათ შევეხე,
 ხელი ჩამოვკარ მდარეთა!
 დავხედე გველებს, სიმებზე
 გაქიმულიყვნენ მწკრივთა,
 თავი ჩემს მკერდზე მოეყრდოთ,
 ისარს მიბნევენ ცივთა!
 დავხედე, ვიცან ერგული
 მეგობარამხანაგები,
 მას აქეთ ჩემის ჩანგითა
 მათგან შორს დავიარები.


ი. ევლოშვილი.

*) ამოღებულია გაზ. „ამირანიდან“.

სხვა ჰპოვე „ჩანგი“ საამო
 აჰყევი ბედის-წერესა
 „გული წაიღეს ჰანგებმა“
 მისას შეეტკებე ჟღერასა.
 ვერა-რა შეჰკვეცს ტკბილ-ხმოვან
 გრძნობისა წარმტაც ჰანგებსა,
 მარგალიტისა მარცვლებათ
 „სიმებზე“ წამონაგებსა.
 გულში ჩაიკარ ძვირ-ფასი
 და ააკვენეს მწარეთა,
 არ შეთრთოლდება კეთილი
 შეეხო რაგინდ მდარეთა.
 „გველისა“ ნაცვლათ ახალზე
 ოქროს გიბია სიმები...
 სევდა-ნალევლთა გამქრობი
 ქანქართა გასაწვიძები.
 დახედავ, ჩაეკონები
 მეგობარს გულის ძგერითა,
 ვერ ძღება ხარბი ბუნება
 ახალი „ჩანგის“ ჟღერითა.
 ძველ-მეგობართა ნაკბენი
 დანაკოდ-ნაიარები,
 ახალი „ჩანგითა“ „მას აქეთ
 მათგან შორს დავიარები.“

ეშმაკი,





† ილია ლუშბაძე ბახტაძე.

ამ რვა წლის წინათ, (1900 წ. 13 ივლისს) ქ. სოხუმიში გარდაიცვალა ახალგაზრდა პუბლიცისტი ილია ბახტაძე (ხონელი). ეს სამწუხარო ამბავი ელვის სისწრაფით მოედო მაშინდელ შეგნებულ-მოაზრე ქართველობას და როგორც მოსალოდნელი იყო, ღრმა მწუხარება გამოიწვია.

ისეთი ენერგიული, გატაცებული, უანგარო და ნიჭიერი წვერის დაკარგვა მდიდარი მწერლობისათვისაც საგრძნობელი და სავალალო იქნებოდა, თორემ ჩვენი ღარიბი და უფერული ლიტერატურისათვის ილია ხონელის დაკარგვა, სწორედ ღვთის რისხვა იყო. ეს ის დრო გახლდათ, როცა ჩვენი მწერლობის პატიოსანმა და გაბედულმა ახალგაზრდებმა კრიტიკის შუქი შეიტანეს „მამაშვილოურ“ პრინციპებზე დამყარებულ სამშობლო ლიტერატურის უკვე მოძველებულ ბურჯთა მოქმედებაში. ილია ხონელიც ერთი ამ ახალგაზრდა მწერალ-პუბლიცისტაგანი იყო და მთელი თავისი ხან მოკლე სიცოცხლე ამ უთანასწორო ბრძოლაში დალია...

„და მერე რა მალე! (სწერდა გაზეთი „კვალი“). სულ 10—15 წლის განმავლობაში! მან ერთბაშით და უცებ დასწვა მთელი თავისი ენერჯია! მისი ნერვები მეტათ მგრძობიარე, მისი რწმენა მეტათ ღრმა და შეუწყველია, კომპრომისები მისთვის არ არსებობდა და როცა წერდა, წერდა მთელი თავისი არსებით, თავის სულსა და გულს შიგ აქსოვდა. მას ვერ აეცანა დღევანდელი ჩვენი ფუქსავატობა, კეობთა გაღმერთება და ამხედრდებოდა რა ვისე წინააღმდეგ, ამხედრდებოდა ისეთი სასტიკი სარკაზმით, რომ ყრუანტელი გვიღლიდა ტანში. მისი პირდაპირობა, მკრედი, სუსხიანი ენა, ლიტერატურული სიფაქიზე, — აი რა ხიბლავდა მტერსაც და მოყვარესაც“.

ამ უკომპრომისობისა და ლიტერატურული სიფაქიზის გამო იყო, რომ ახალგაზრდა ნიჭიერი მწერალი ხან ერთ რადიკალს შეაფარებდა თავს, ხან მეორეს და საკუთარ ორგანოზე ოცნებობაში კი დალია სული. 1884 წელს ის ილია ჭავჭავაძისეულ „ივერიაში“ თანამშრომლობდა. „მაგრამ ნიჭიერი

და ფაქიზი მწერლისათვის შეუძლებელი იყო იმ მოწამლულ ატმოსფეროში ცხოვრება და იმ ლაქიათა წრეში მუშაობა, რომელსაც „ივერის“ რედაქცია წარმოადგენდა“. მაგრამ შეცდომა მალე გამოიჩინა.

„გენია—ცეცხლა ის დარჩება დაუდავავი, ვისაცა თქვენთან, თუნდ ერთ დღე დაეყონება, მარტოდენ ჰაერს ჩაისუნთქავს და იმისგანაც სალი შერჩება საზოგადო კეუა-გონება“*).

მიახლოა იმედ-გაცრუებულმა ხონელმა ივერის გამგეს და სამუდამოთ განშორდა „მოწამლულ რედაქციას“.

როგორც ზევით აღვნიშნეთ სულ რამოდენიმე წლის განმავლობაში მან (ილია ხონელი) მოიარა თითქმის ყველა ადგილობრივი რუსულ-ქართული ჟურნალ-გაზეთები. მუშაობდა „კავკაზში“, „ახალი-მიმოხ.“, თფ. ფურ.“, „მომამბეში“. ვერსად ის თავს თავისუფლად ვერ გრძნობდა და მუდამ ეამს საკუთარი გაზეთის დაარსების სურვილს ატარებდა გულში.

ილია ხონელს ხშირათ ჰქონია შემთხვევა ჩინოვიკის ქურქში გახვეულიყო და თვით ალაგს ჩაბუდებოდა, მაგრამ ამგვარ პატივის-ცემაზე ის მუდამ უარს ამბობდა, რადგან ჟურნალისტის მიუდგომელი სიტყვას ის ფულზე და კეთილ-ცხოვრებაზე ვერ გასცვლიდა. მას მთელი თავისი არსებით სძაგდა და ეზიზღებოდა ის ჯგუფი „მოღვაწეთა“ რომლებიც წურბელებსავით მოებენ სხვა და სხვა ფინანსიურ დაწესებულებებს და თავის „მოღვაწეთა“ თვით ადგილთა შერჩენის პოლიტიკას დაუქვემდებარეს.

„თავისი რწმენის სრული სიმტკიცე და დამოუკიდებლობა ილია ხონელმა არა ერთხელ და ორჯერ აჩვენა საზოგადოებას. პირველათ, როცა გამწვევებული იყო ბრძოლა ჭავჭავაძისა და მახაბლის პარტიათა შორის, როცა ქართველი ინტელიგენცია ზნეობრივ-გონებრივ აიშლიეს ეგზამენს იჭერდა და ასე სამარცხვინოთ ჩაიჭრა, როცა ჯერ კიდევ ცოცხალი ნაშთი ბატონ ყიზობით გაელენითილ თავად-აზნაურთა, როცა თითქმის მთელი ჯგუფი ნერწყვ—მომღვარ ქუთათურ ინტელიგენციისა სასოგების თვლით შესცქეროდა ჭავჭავაძის დროშას და ბანკის თვით ადგილებს, ილია ხონელი არ მიეცვლა გამარჯვებულთა ბანაკს და გაბეჭულით ჩადა პატიოსან მებრძოლ ახალგაზრდათა რაზმში“**).

მეორეთ, როცა ქართველი საზოგადოების ბურჯები ფეხ ქვეშ ეგებოდნენ ცნობილ რუს შოვინისტს, ველიჩკოს მხოლოდ და მხოლოდ სომხების მოძულეობისათვის, როცა მისი გესლიანი ენით გაბრუებულნი მეჯლისებს უმართავდნენ და „ველიჩკიძეთ“ აქართულებდნენ იმის გეარს, ილია ხონელი ზიზლით უცქეროდა ამ სამარცხვინო ლაქუსს და ველიჩკოს „კავკაზში“ მუშაობაზე გადაჭრილ უარს აცხადებდა.“

ასეთ განუწყვეტელ ბრძოლაში და გაჭირვებაში გაატარა მან მთელი ხუთმეტი წლის მოღვაწეობა და უდროვოთ განუტევა სული. დღეს, 20 ივლისს შესრულდა რვა წელიწადი, რაც ეს მოწამე ქართული მწერლობისა მიწას მიხარეს დაბა ხონში. ქართველი მკითხველი პატივის-ცემით მოიგონებს უდროვოთ დაკარგულ პატიოსან მუშაკს და ჯეროვან პატივს სცემს მის ხსოვნას.

*) დ. კეხელი. **) დ. კეხელი.



მესტვირული.

მოემართავ სტვირსა ქამანჩას,
და მივცემ ჩემ თავს ნებასა,
მათრახნის კუდით შევეხო
ქუთათურ „ზუბრთა“ კრებასა,
რომელნიც კვალად დაადგენ
ძველ მამა-პაპათ მცნებასა
და ქარის მოქროლებაზე
შესცვლიან გემოვნებასა.

სულ სამი წელი არ არის.
რაც ქარნი სხვა მხრით ბერავდენ
სამშობლო ქვეყნის „ზუბრებიც“
„ერთობრს“ ჰანგზე მღერავდენ;
ქურქისა შავის სანაცვლოთ
წითელსა შეიკერავდენ
წოდების გაუქმებაზე
ჩლიქებსაც მოგიწერავდენ.

ძნელათ აღნუსხავს კალამი
იმ დროთა მონაგონებსა,
რა რიგათ ეფიცებოდენ
„ზუბრები“ ძველსა მონებსა,
გმობდენ წინაპართ საქციელს,
აროდეს მოსაწონებსა,
ცოდვებს საჯაროთ ამხელდენ
სასჯელთა მოსაფონებსა.

„საერთო“ მტერთან საბრძოლოთ
იღესდენ რქათა ბოლოსა

მოუთმენ ბედაურსა
მიწასა სცემდენ ფოლოსა,
რანდულ ელეწებოდენ
ყოველგვარ დასაბრკოლოსა,
მაგრამ არ იქნა, ვერ ასცდენ
სამუხანათო ბოლოსა.

ბედი შებრუნდა! ცხოვრება
უკულმა იწყო ტრიალი,
ამხედრდენ ბნელი ძალები
შეიქნა თარეშ-წრიალი,
სამშობლო „ზუბრთაც“ დაუშრატ
მოთმინებისა ფიალი,
დასწიხლეს ფიცის ფურცელი
ჰაერში ანაფრიალი.

ხმა შეუერთეს, შეუტკბეს,
შორეულ მოძმეთ ბლავილსა
ველარ მალავენ სიამეს,
ენის უზომო ქავილსა...
გულის პირ ეკონებიან
შავი ცხოვრების ყვავილსა
და კრულვით იხსენიებენ
„ერთობის“ დღეებს განვლილსა

კვლავ ბრძოლად ემზადებიან,
მაგრამ „შინაურ მტრებთანა“
შენამტკიც-შენაფიკებასა
შარშანდელ „მეგობრებთანა“...
შავი დაღები დაუკრავთ
ურცხვად გალესილ რქებთანა,
და კავშირს განამზადებენ
წვერ-სამეტ-სანცარ ძმებთანა.

„აქარის ტყეში“ შემოკრბა
პირველათ მათი რაზმები
ძველებურ სიტყვა-პასუხით
და აზრით მონაკაზმები...
პირ-ჯვარი გადაისახეს,
ისხურეს აიაზმები
და მთელ ქვეყანას მოფინეს
თვისი შავ-ბნელი აზრები.

აქ გავაჩერებ ქამანჩას
და შევსწვევტ ლექსთა დენასა,
თითებულ „ზუბრთა“ რეჩებით
ორ მოგიწამლავთ სმენასა...
ჟამი მოითხოვს, სწიხლავდენ
ესენი სხვისსა რწმენასა
და ქვეყნის საქირბოროტოთ
ათამაშებდენ ენასა.

ეშმაკი.

ექსპლანტაციის

I.

მიდის დათიკა წელში მოხრილი,
გოდორით პარკი მოუკილია,
ახლოხისა კალთით ოფლს იწმენდს,
კვნესის და ოხრავს, ტვირთი დილია.

გოდორსა თავზე კიდევ ზედ აძევს
პარკითვე სავეგ მოზრდილი ფუთა,

მაგრამ სიმძიმეს დათიკა სძლევდა,
დღის პაპანაქს რომ არ შეეხუთა.

არაფერია, მუშისთვის შრომა—
ჩვეული ჭირი, თითქმის ღებნაა,
მასთან აზრი, რომ ნაშრომს აიღებს,—
ეგ უმაღლესი აღმაფერნა!

დათიკაც ასე ტკბილ ფიქრებშია:
გოდორს გაიცილის, პარკს გაასადებს,
თუმც კარგათ იცის, ამნაირს დროსა
რა ღორმუცლობაც სჭირთ ვაქარ-ადებს...

აქ მან დაძლიევით შესწყვიტა ფიქრი,
რადგან ტკბილს მწარე შემოფერია
და ჩაახველა, თითქოს გულს უხმობს:
ნუ რას დარდობო, არაფერია!“

აი გამოჩნდა კიდევ საპარკე!
გადაქიმულა დიდი ფარდული
და მის გარშემო სჩანს ფართო ეზო
მალაღის მესრით შემოფარგლული:

შმორისა სუნი დამდგარა ირგვლივ,
ჰაერსა სწამლავს და აზიანებს,
მაინც გარშემო, ვით კოლო-ბუზებს,
გააქვთ ფუსფუსი ადამიანებს

ხალხი რიგრიგით იქით მიიწევს,
სადაც ვაჭარი ჩოთქს აჩხაკუნებს,
სასწორსა მართავს, პარკსა დებულობს,
ზოგს უქებს ნაშრომს, ბევრსკი-უწუნებს.

დათიკაც გოდრით ხალხს შეერია,
სასწორის ახლოს კრძალვით გაჩერდა,
ტვირთი ძირს დასდგა გასწორდა წელში.
და „საქმიან კაცს“ ის მიაცქერდა.

მოისმის ვაჭრის გესლიანი ხმა,
სასწორის ნძრევა ხალხის ღრიალი.
ჩივილი, წყევა, მწარე დაცინვა,
ჩოთქის ჩხაკუნი, ფულის ჩხრიალი...

ჯერით დათიკაც მიადგა სსწორს.
ვაჭარმაც ამის პარკი გასინჯა,
გულმტკივნეულად მიძმართა პატრონს
და შუბლ შექმუხვნით მიუხმადინჯა:

„მდარე პარკია!.. თუმნად ავიღებ...
მეტის მოცემა არ შემძლია!“
შესდგა დათიკა... სურდა ეთქვა რამ...
მაგრამ ძლიერმა უძლური სძლია!..

II.

მოდის დათიკა დაბრუნებული,
ხელში უჭირავს პურის ნაქერი,
ტკბილ ნეტარებით ის ილოდნება
და უცანცარებს კალარა წვერი.

ხშირათ ოფლიან თავის უბეში
ჩაიჭვრეტს, თითქო რასმე დაეძებს,
იქვე რაღაცას სინჯავს და კმუქნის,
დაეჭვებული ხელებს აცეცებს;

ძინძვლიანს ჩერებში გამოხვეული
იქ პარკის ფასი მას ეგულება,
რაც ბევრის დავის შემდეგ ვაჭარმა
დღეს მას უბოძა ვით მოწყალება.

ვინ იცის, რამდენ ოფლში და ცრემლში
ეს გროში მისთვის გიმოიტირეს?
რამდენის ხრიკით, რა საშუალებით
ნაშრომის ფასი მას შეუმცირეს?!

მაგრამ... ეჰ. აბა რა უნდა ექნა?

არ გაეყიდა—არ იქნებოდა,
როცა იცოდა, სახლში ცოლშვილი
ბედშავს სიმშლით ეხოცებოდა!..

მოდის დათიკა. აღარ აქვს ექვი,
დამშეულს ოჯახს რომ გადაარჩენს,
რადგანაც ფულზე საყიდლათ სადმე
ან სიმინდს, ან ღომს კი აღმოაჩენს!..

მაგრამ ჩუ! ამ დროს ესმის: „შეჩერდი!
წინ არ გადასდგა სულელიო, ფეხი!
არ დასძრა ენა!.. მოიტა ფული!..“
შესდგა დათიკა. დაეცა მეხი!

ხედავს, წინიდან თოფ მოშვერილი
თავ შეხვეული რომ უდგას ორი,
მესამეც აგერ შეუდგა ჩხრეკას:
ფიცხლავ ჩამოხსნა მხრიდან გოდორი.

შემდეგ დაუსვა ხელი მთელს ტანზე,
აი, უბეში ჩერის სკენილიც ნახა,
დაავლო ხელი და მსწრაულ გაქანდა...
„თქვენც მომყევითო...“ სხვებს მიაძახა

და მიიმაღნენ სამნივ თვალთაგან...
დარჩა დათიკა ვით მეს-ნაკრავი,
და ერთხან იდგა გულშემოყრილი,
ვით ქანდაკება უტყევი უძრავი.

როცა მოვიდა გონს, გამოერკვა,
და მოიკრიბა ღონე და ძალა,
მიხვდა რაც უყვეს, მოირტყა თავში
და ნადირივით დაიღრიალა...

ყვიროდა იგი, ითხოვდა შეველას,
მაგრამ დამხმარე არავინ ჰყავდა,
მხოლოდ მის ძახილს თავის სიღრმეში
არემარისა წიაღი ნთქავდა...

ნ. ზომლეთელი.



დროება გაზოცვალა!

როს დიაცარა „ერთობა“,
შემოცვდა, შემოღარბდა,
მუშათა ძალა მოძრავი
სხვა-გვარათ ჩამოყალიბდა.

მოდუნდა გააფთრებული
სურვილი მტერთან ბრძოლისა,
ნაცვლად გაღვივდა ხალისი
მხარ-თეძოთ წამოწოლისა.

ღვინო და ყანწი გამეფდა
დაარსდა ჯგუფი „მსუხავთა“
და ტიკთან მოკალათება
„მრავალ-ყამიერ“ მქუხავთა.

ბახუსის მოთაყვანენი
გამრავლდენ სოკოსავითა
და ლამის ჩაძვრენ ყანწებში
გაბრუებული თავითა.



კარტის თამაშიც გაჩაღდა,
ღვე და ლამ განუწყრელათა,
ოფლით ნაშოვი გროშები
შულერს მოქონდა ხელათა.

გადაღის „ბანკი“, „ბანჩოკი“,
„ტრილისტა“, „ჩაქა“, „ბაქარა“,
ბევრი გაკოტრდა ვაჟკაცი
უხვი და ჯიბე-ქანქარა.




ეგერ შეხედავ კამათელს
გააქვს ფიცარზე წკრინალი

ისმის: „ღავ“ — „ღაუბანარე“
არის ქანქართა ტრიალი.

ვინმე ქვას გადააცოცებს,
და შეექნებათ ტყეპანი

ქვალში გაუჯდა ზოგიერთს
ასეთი მოქმედებანი.



აგერ, თავ-მოყრილს კედელთან
ხელად მუშათა წყებასა
და ფიქრობ გადაეყარო
რამ სასიკეთო კრებასა,

მაგრამ შესცდები, საამოს
ვერც აქ შეხვდები ვერასა:
კედელზე ფულებს ახლიან
შემდეგ მტკავლავეინ მტვეროსა.



მეხუთე ჯგუფზე გადახვალ
იმედი აქაც ცრუვდება
ხელად რომ აქაც სუყველა
ლაზღანდარობას უნდება.
ჭაერში ფულებს ისერიან
აბზრიალებენ თითოთა

„არიოლო!“ „რეშკა!“ „არიოლო!“
გაიძახებინ რიხითა.
მომავლის სახე ნათელი
ბევრი თავიდან გაფრინდა
და როგორც სოფლად, ქალაქშიც
ცხოვრება ეგზომ დაქინდა.

წერილები ეშმაკისადმი.

სამტრედიის რაიონიდან. როგორც გავიგეთ, აქაურ მოქალაქეებსაც განუზრახავთ ხმის ამოდება, რაიცა გამოუწვევია ერთი ახირებული „წესიერების დამცველის“ საქციელს. დეპუტაცია უკვე წარსდგა სადაც ჯერ იყო. ბ-ნი სიმონი მართლაც ისე გაიტაცა ხელობამ, რომ წარმოიდგინეთ, თვით ბოქაულის მწერლის წინააღმდეგაც კი გაილაშქრა. და თუ კი თავის ამხანაგებს აღარ ინდობს, გარეშეებს რაღა დღეს დააყენებს ადვილი გასაგებია. ვნახოთ მოქალაქეთა ხმა თუ დარჩეს „ხმად მღალადებლისა უღაბნოსა შინა“.

პროგნოზის საკითხი ჯერ-ჯერობით სრულ დავიწყებას არ მისცემია. როგორც გავიგეთ, განზრახულია გაეგზავნოს ხელმოსაწერი ფურცლები ჩრდილო გუბერნიებში გადასახლებულ ქართველებს და უსტეპენდო ქართველ სტუდენტებს, რომ თავისი უხვი ქონებიდან გამოიღონ შესაფერი წვლილი პროგნოზის შენობის ასაგებათ. ეს ჩინებული განზრახვა დიდ თანაგრძნობას იწვევს ადგილობრივ.

ზინგერის მღალაზის აგენტ იასონ კიკაურიძეს, ვინაიდან ორ ალავს ვაქრობას ვერ ახერხებს, განუზრახავს ახლად გახსნილი სამიკიტო „სვირსკი“ ზინგერის მღალაზიაში გადაიტანოს. არ წააგებს.

ს. ეწერი. ადგილობრივ სასამართლოში მხოლოდ ახლა ხან განაახტეს, ანუ აღადგინეს სხვა და სხვა გასართობ-სათამაშოები. წესიერების დამცველი ალექსანდრე. დაიფიცებს და ემთხვევა თუ არა ბახუსს, იმ წამსვე ფეხს აიდგამს და ხან ვის მიადგება და ხან ვის. უმჯობესი კია საკუთარ ბინაზე რა გამოილოცავდეს.

ს. ჯაგანი. როგორც მოგვხსენებთ, მოძღვარი სამს. შენგელის მოტაცების დროს ორ სოფელს დიდი შეტაკება მოუვიდათ. ერთმანეთს ხელში აგლეჯდენ „საყვარელ“ მწყემსს. ახლა სინოდალური კანტორა მოითხოვს განქიქვებულ იქმნას აღნიშნული ფაქტი.

„სათანა,“

ს. შემოქმედი. ძმაო ეშმაკო! მადლობას გივთვლი რომ მაგ მათრახს „მფარველ ანგელოზებრით“ წაღმა უკულმა არ იქნევ მრუდსა და მართალზე. ეს ხომ ასეა, მარა თეოფილე იორაიშვილს რომ ცოტათი მაინც მისი მწვავე კული არ წაუტკაცუნო, ეს შეუძლებელი საქმე იქნება. როგორც იქნა ძმაო, ჩვენი მცველები მიხვდენ და 20 უღანაშაულო ახალგაზრდა რამოდენიმე თვის აბანოს შემდეგ გაანთავისუფლეს; ბ-ნი ნაოსი ცხრაას მთას იქითაც უპირებდა გადახიზნას. მაგრამ კოვზი ნაცარში ჩაუვარდა.

ახლა ძმაო ეშმაკო, გაუჩნდა ამ ისედაც დასჯილ ხალხს ბ-ნი თეოფილე და გარეშე ძღვენისა დიდისა ქანქარსა მოითხოვს. ჩემი და ნაღისი

მოწყალებით გაანთავისუფლესო. ზოგიერთებმა კიდევაც გარიდეს სასყიდელი ესე „მცირედი,“ ხოლო ვინც არ შეშინდა ვაი იმათ ყოფს. ერთობ ავიწროებენ საბალახ-საბახჩი-საყანის მხრივ და ძნელია გაძლება. ახლა ძმაო ჩემო ცოტათი ისე შეუხატინე მათრახის კულით ამ პატივცემულ პირს და თუ გონს მოვიდა ხომ კარგი, თუ არა და, ესეც მისი ნება იყოს.

დამლაზგრელი.

რკინის გზის მთ. სახელოსნოდან.

ძმაო ეშმაკო, გენაცვა მათხოვე გულა-სტვირია, შორს არ წავიღებ, გარწმუნებ „მასტერსკოისთვის“ მკირია.

მინდა ვუძღვრო „ხელოსნებს“ ვინაც გმობს „შავსა მუშებსა“ და მათი ლანძღვა-გინებით არ მოასვენებს ტუჩებსა.

პირველათ „სპეციალისტებს“ დაუფგომთ საქციელია, მათი გვარების ჩამოთვლა რიცხვ-მრავალი და ძნელია

ან კი რათ გვინდა გვარები მითხარი ვის რათ სჭირია, თითონ იციან „პრიბავკით“ ვინც წაიხდინა პირია.

ახლა კი დეპუტატებსა მიეუღიღინოთ ტკბილათა და დამერწმუნე ძმობილო შრომა არ წავა ტყვილათა.

რომ იმათ „შავი მუშები“ არა ჩააგდეს ჩირათა, და იძახოდენ: „მოგეშორდით, რას აგვეკიდეთ ქირათა.“

ამის მეტს მაზე არ ვიტყვი, ესეც იკმარებს შვილოსა, „ნარიბოჩალებს“ ვეწვევი, იქ ავუმაღლებ კილოსა.

ვეტყვი: რომ პირად ინტერესს ნუ დაიწერენ გულზედა და რაღაც მოსაზრებებით ვარს ნუ ამბობენ „ფულზედა.“

ამისა შემდგომ, ძმობილო, გიბრუნებ გულა-სტვირისაო, და დაყოვნებით ბლიკვადქს არ ვავხდი ანატირისაო.

აღ. ზაგლობა.

ბათუმი. ძმაო ეშმაკო! იმ ზომამდე დაეცენ სულით ბათუმის ასოთ-ამწყობები, რომ შეუძლებელია ყოველივე მათი მოქმედების კალმით აწერა. არა ერთხელ გამოქვეყნებულა მათი საქციელი გაზეთების ფურცლებზე, მაგრამ მიუხედავად ამისა, მათზე არაფერი უმოქმედნია.

კარტის თამაში, ლოთობა და სხვა ხომ გაჩე-
ფებულა და გაჩეფებული, მარა ამ ბოლო დროს
უკეთესებასაც მიყვება ხელი. შეეფხოთ ცოტათი არ-
ტელს, რომელსაც ნაკირი აქვს „**ბათ. გოლოსის**“
გამოცემა. აქ არ არსებობს არავითარი ნორმა მუ-
შაობისა არ არის დატული სამუშაო დრო, არც
კვირა-უქმეები, არც დაქირავებული მუშების ხელ-
ფასი და არც არავითარი ზნეობა. სარგებლობდენ
შემთხვევით და მაშინის ბორბლის გადამბრუნებელს
ორ კაცს 80 კ. ამუშავებდენ, ხოლო როდესაც
ამ უკანასკნელებმა მომატება მოსთხოვეს, შემდეგი
პასუხი მიიღეს: „თუ გიქირს, რასაც გაძლევენ იმას
დაჯერდიო.“ ქალების მუშაობა ხომ აუტანელია ამ
ვაჟბატონების უწმაწურ მუსაიფის გამო. ამ ხანებ-
ში არტელი სხვას ჩაბარდა და ამან გამოიწვია შტა-
ტის შემოკლება. მაგრამ მბეჭდავი რომ არ გაეზ-
რაზებიათ ას.—ამწყ. შტატში მიიღეს, რამაც გა-
მოიწვია უმუშევრების მიერ საყვედური; ერთი თვის
წინათ ქლაქში გაერცყელდა ხმა, რომ დროებით
შეჩერებული გაზეთი „ვესტნიკი“ გამოდისო, არ-
ტელისტებმა ერთი ალიაქოთი ასტეხეს, ეწეოდენ
ავიტაციას, რომ მეორე გაზეთი არ გამოსულიყო,
ხელმძღვანელობდენ იმით, რომ ვერ იხეირებსო.
ის კი დაავიწყდეთ რომ, როდესაც მათ გაზეთის გა-
მოცემა დაიწყეს—ვეჩერნ. ვეს.“ გამოდიოდა. ასე-
თია მდგომარეობა აქაური ას.ამწყობებისა. და იმე-
დია მსჯავრს თქვენ დასდებთ.

არა მკითხე რევიზორი.

ს. წიფა. მთელმა ქვეყანამ გაიგო და აბა ეშ-
მაკს საიდან დამალეობდა ის საჯაყი ამბავი, რო-
მელიც ჩვენში ერთ ხუცესს შეემთხვა. ამის შესახებ
აქ ასე მღერიან:

კვალეთელი ღვდელი ვიყავ
და კახეთში გადამაგდეს,
ეგონათ რომ ამ ოინით
დამავსეს და ამომავდეს,
მაგრამ კახეთს უფრო კარგათ,
ავისრულე მე წადილი,
ზოგს ფულები ვახდევინე,
ზოგს ვახშამი, ზოგს სადილი...
სქესობრივი სიმსუნაგეც
უკან მდევდა თანამგზავრათ,
თითქო უფალს მოვევლინე
უცხო მხევალთ ვასახარათ.
ამ ბოლო დროს წიფას წაველ
მღვდელ-სიმაძრის სანახავათ
მაგრამ სახლში არეინ დამხვდა
სხვაგან წასულიყვენ თავათ.
სახლში დამხვდა ეზოს ძაღლი
და მოსამსახურე ქალი
მეც ვივანშემ ჩინებულ თ
და მივწევი ღვინით მთვრალი,
მაგრამ ძილი გაქრა საღდაც,

გამიტაცა ვნებათ ღელამ
გოგოს სახლში შევეუვარდი...
დანარჩენი იცის ყველამ.

ეს ლექსი, ძმაო ეშმაკო, ელვის სისწრაფით
მოედდა მთელ წიფის არე-მარეს და მამა ნინიკაშვი-
ლი პოპულიარული პირი შეიქნა. ახლა ელის შენ-
გან საჩუქრად ხუთმეტოდე მათრახის კულს.

წიფელი ალექსანდრე.

აბარაქი ბახმარო (გურია). მოიტანეს რა ჩემზედაც
იერიში მწერთა მკებნართა და ვერ გაუძელ რა მათ სააღყო
წესებს, ბავშვურე ბახმაროსაკენ. ავედი ვაკიჯვარში მაგრამ
ვინიდან იქაურ რუსინანტებისათვის საკმაო ქანქარი ჩემს
ჯიბეში არ აღმოჩნდა, შეუდეგ აღმართს ისე „ფეხომ“. სიხა-
რულით გავიარე საბაჟო, რადგან ხომ იცით „ცარიელ კაცს
საბაჟოზე მიუხარიაო“. „გავიარე თხემლარა და წიფლის წყა-
რო, ბაისურას რომ გაველი დავინახე ძირს ბახმარო“, ამი-
ტოკდა გული. ბახმაროში არავითარი საბაჟო არ მეგულეობო-
და, მაგრამ მოვსტყუელი. აქ გაუმართავთ „კარანტინი“ რომ-
ლის უფროსია ოზურგელი მოენე (სხვაფერე არ იფიქროთ პე-
რეველნიკია) მსლელებითურთ. ღებულობენ მხოლოდ გზა-
გონადიოყ-ავადმყოფებს“, გადურჩი ამ საფრთხესაც და გავხდი
ღირსი მოაგარაკეთა რიცხვში ჩაწერისა—შემდგომად რომლი-
სა შეუდევი რევიზიას.

პირველათ ვესტუმრე საზოგადო სასადილოს. მომიტა-
ნეს მოხარული მწვადი და შემწვარი ხარჩო. ადესის ჩხა-
ვერი. მოსადილენი ბევრი ყავს, სჩანს სეზონის ბოლოს ბევ-
რი მომღურავეც ეყოლებმა. საზოგადო ღუქნების ახლო კერ-
ძო ღუქნებიც „დაუქოქებიათ“ რის ნება წინეთ არ იყო.
დიდი კონკურენციაა აბა რომელი მეტს დაკვლავთ სხვენზე
ნასუქებ აჭარელ ძროხებს და არდაგნისათ გავასაღებთო.

აღარც კეგლზე არის ძველი დრო! აღარ ისმის თავ.
ტელემაკ გურიელის „ავზრავე უმაღლესათ ყველა“, აღარც
მისი ჩაქალუზი ვარდება, დანიშნულ დროს, არც არავინ
მისდევს ძოხანს ხმალ-ამოღებული, რის გამო ძროხები მოა-
გარაკეთა რიცხვში გრძნობენ თავს და სახლებს არ შორდე-
ბიან, რა არის პატრონს განძი არ დაუკარგოთო.

სანიტარები წელს არ წამოუყვანიათ. ან კი რა რაჭირია.
საზოგადო კრებები წელს კი გაიმართებოდა მეგონა, მაგრამ
ეგეც იშვიათია, რადგან ბ.ნ მოენეს უნდა მიმართო, რომ
კრებას თვით დაესწრას და ენაიანები ხომ ვერ ილაპარაკებს
და მუხჯები აქ იშვიათია. ეს რა უღმომბელოა დრო, მახოვს
როგორ ქუხდა აქ „ნიკოლოზ და სოლომონი“. „საზოგადო
სახლი იყო დანიშნული ბრძდლის ველათ“. ეხლა კი ბრძო-
ლის ველი ნარდი და კარტი—დავ-დავბასე, ჩერებ ტიომნი.
თამაშობს ყველა სტუდენტებანებ.

ჯერ-ჯერობით ასეა ბახმაროს და აქაურ მოჭაერე-მო-
სასუქეთა ამბავ-ჰაბარი და თუ შემდეგში რამე დარჩა კიდეც
მოგწერ ახლა გთხოვ გამოგზავნო ორი გვარდა სპერმაკუდი-
ნი ვაკიჯვარში ს. სვანიძის სახელზე. ბახმაროზე ბამოსაზაფ-
ნათ, მაგრამ იცოდე ის ძლიერ ხარბია და ნახევარზე მეტს
თვითონ დაიტოვებს, ნახევარსაც ვაკიჯვარელ ჩალანდრებს
გამოატანს და რადგანაც გამორჩენაზე არც ჩალანდრები
იტყვიან ვარს, ბახმაროზე გვარდები ცარიელი ამოვა, მაგ-
რამ ჩვენ იმას აქაური ამბით საჩესს ვაახლებთ.

„მწარე“.

ახალ-ქალაქი. ძმაო ეშმაკო! არ იფიქროთ მარალა ახალი იყოს, ან მართლა ქალაქი იყოს ჩვენი სოფელი! ქალაქს მხოლოდ იმითი ჰკავს, რომ გასართობ ადგილათ ღუქანია მიჩნეული და ხუთ კაცში სამი უთუოთ მთვრალია.

მოსაწერი რამდენი მქონდა და მოწვევრაც რამდენი ხანია მინდოდა, მაგრამ წერილების საქმე ყველგან ისე მეგონა, როგორც ჩვენშია. ვიფიქრე რისთვის ჩავადო ხარჯში რედაქცია მეთქი, აქ თითო წერილზე კარგა მოზრდილი გადასახადია დაწესებული გრაკალის სადგურის ადმინისტრაციისაგან და შენ რომ გეგონა: შვიდ კაპეიკიანი მარკით საქმე მოვითავეო, შემცდარი იყავი. შე აქ სამი კაპეიკი სხვა გადამაშვლეკის.

გაზეთების ამბავს ნულარ იკიოხავ! მიკვირს ღმერთმანი „ეშმაკის მათრახის“ დაკარგვა როგორ უნდა მოხდეს. განა შეუძლია ვინმეს მიითვისოს მათრახი თუ განსაკუთრებით გამოწერილი არა აქვს? თუ კიდევ დაიკარგა რამდენიმე ნომერი, მაშინ ცხადი იქნება, რომ სადგურის ადმინისტრაცია თითონ საჭიროებს მათრახს და გაცნობებ რომ დაუყონებლივ უწვდინო.

სამკითხველო ორი გვაქვს და მკითხველი არა უმეტეს ოცდა ორისა. ერთი დემოკრატიულია, მეორე არტისტოკრატიული და როგორც შეეფერება პირველი მტვერით იხრჩვება ხოლო მეორე უსაქმობით.

ამ წინაზე აქ დაკარგულა ერთი კნიაზი და მიუხედავად სასტიკი ძიებისა ჯერაც ვერ უპოვიათ. ქურდობა ყოველთვის ხშირი იყო ჩვენში, მაგრამ ცოცხალი კაცის მოპარვა პირველი მაგალითია.
ლიაკონი.

სამათრახხო სცენა.

(ქართველ სტუდენტების ცნობებიდან).

მოქმედება სწარმოებს ღორპატის „ბელ-ვიუში“. რესტორანის დიდ ზალაში სუფრას უსხედან „ქეშმარიტ ქართველთა ჯგუფის“ წევრები. შეზარხოშებულნი არიან. სუფრაზე და იატაკზე დამტყუებული ბოთლები და ჭიქები ყრია. შემონეხული ლაქია მოკრძალებით ვმსახურება. სვამენ და იმღერიან:

„Съ виномъ мы родились,
Съ пивомъ мы умремъ,
Съ водкой похоронять,
Съ пьянымъ попомъ!
Дзынь, Дзынь стаканчики!
(აიღებენ ჭიქებს)
Дзынь, Дзынь бутылочки!
(აიღევენ ბოთლებს)
Налей, Налей!“ (ასხამენ, სვამენ)

აბდულაშვილი. (აიღებს ჭიქას) ეს, მეგობრებო. დავლით გუშინ დღის სამახსოვროთ, ე. ი. იმ დღის სამახსოვროთ, მეგობრებო, როცა რომა ჩვენ, ქეშმარიტი ქართველები, საბოლოოთ გამოვეყავით „კავკას. საზ.“-ის და მათ წევრებს სომხებს, ბერძნებს, ოს-ჩერქეზებს და-გასომხებულ ქართველებსაც ბრძოლა გამოუცხადეთ! ალავერდი! (სვამს)

ქეშმარიტაშვილი. (აიღებს ჭიქას) მეგობრებო! გუშინ მოხდა დიდებული დღე, ჩვენ მოვზორდით ჩვენ შინაურ და გარეგან მტრებს, რომლებთანაც

რომა ჩვენი შეუგნებლობით ამდენხანს ერთად ერთ საზოგადოებაში სომხებთან და მათთანებთან ვმოქმედობდით და დაბოლოს, მაღლობა ღმერთს, რომ მოვზორდით: ალავერდი მეგობრებო! (სვამს)

სმება: იახში ვერდი! (ყველანი სვამენ).

აბდულაშვილი. აბა, ძმა-ბიჭებო! ერთი გემო-იანათ შემოგეძახოთ... (იმღერაან)

„ქართველო ხელი ქისას კარ,
ღრო დავედვა დიდებისა!
ქირთული წრე გაგვიცოცხლდა
წრე ნამღვილ ძმა ბიჭებისა“.

აბდულ. (აიღებს ჭიქას) ეს ღმერთმა აღღერძელოს ის ამხანაგები მათი ანგელოზებით, რომლებმაც რომა გუშინდელ კრებაზე ღირსეულათ შეამკეს ჩვენი მოწინააღმდეგენი და იმოქმედეს ისე რომა... ოხრათ! ალავერდი! (სვამს).

ქეშმარიტ. (ჭიქით სელში) უფალმა ღმერთმა აღღერძელოს ყველა ჩვენი ნიქიერი ორატორები, განსაკუთრებით ფილოსოფოვი, შმიდტიშვილი, ალექსი, ნიკო და მეც, რომლებმაც რომა თავიანთ ანგელოზთა წყალობით ღირსეულათ გავლანძღეთ და ნათლად გამოვსთქვით იანც, მიანცებისადმი ჩვენი ზიზლი და სიძულვილი... დიას.

სმა. ბიჭო, შენ ხომ პირდაპირ ლანძღავდი სომხებს და ამბობდი სომხები გვეჯავრებაო, რომ დაგვიწერონ გაზეთში!

ქეშმარიტ. რაც მართალია, მართალია! ჩვენ სომხები გვძულს, მათ ჩვენ ვძულვართ... ალავერდი მეგობრებო!

სმება. იახში ვერდი (სვამენ)

(შემოდის სანდრუა)

სმება: ახ, სანდრუაჯან! გენაცვა მოდი აქ... Commen sie!*) სადა ხარ კაცო, ამდენხანს... Frinzen sie**) ... აბა, გადაე ერთი სანდრუაჯან?

აბდულ. მიაწოდეთ მაგას არაყით საესე ჩაის ჭიქა (მიაწოდებენ, სანდრუა გადაკრავს)

სმება. სანდრუ! მოდი აქ დაჯექ. (სანდრუა დაჯდება) ახალი არა იცი! ფხიკიანი სად არის ამდენხანს?!

სანდრუა. ამხანაგებო! ეს არის ის კაცი ვნახე. შიშისაგან ნახევრად მკედარი გზაში შემხვდა, ღუგლას ძალიან შეუშინებდა, სროლა სრულებით არ ცოდნია, კორპორანტი კი დაჯინებით თხოვს დულში გაყვეს. ფხიკიანს ყოველ შემთხვევაში წინადადება მიუცია ცხენებზე შეჯდენ და შეილდ-ისარით იჩხუბონ!

სმა. კორპორანტი სულელი არ არის, შეილდ-ისარი მან არ იცის, მისი შეილდ-ისარი—ბრაუნინგია, მას ჯერ ორი კაცი უკვე ყავს დულში დაქ-

*) მოდიო! **) დალიეთ.

რილი. არა, რო უტყაბუნებთ აქეთ-იქეთ წამდა-უწუმ, აბა რაფა გონიათ, დუელში გაყოლაც უნდა შეგვეძლოს.

ზბდუფ. ლაჩრები ნუ ხართ, ლაწირაკ კორპორანტმა დაგაშინათ! თუ მე ცოცხალი ვარ ნურაფრის გეშინიათ! თავი არ შეირცხვინოთ, თუ ვინმემ გაწყენიოთ სცემეთ, უმოწყალოთ, ქართველის სისხლი არ გიდუღოთ! თუ რამე გაგიქირდესთ მე მომიგონეთ! მაგის დარდი ნუ გაქვთ, აბა შემოვძახოთ. (იმღერაინ)

„Время, время давно минувшихъ,
Старой Иверской земли
Осталось одно родное слово,
Алаверди, Алаверди!“

(განაკრძობენ მას და ხმაურობას. ზალაში დგას ბილიარდი. საქიფო სუფრიდან წამოდგებიან თავადი შანიევი და თავადი გულიანი, მივლენ ბილიარდთან, რომელზედაც თამაშობენ სტუდენტები; ძალათ წაართმევენ მათ კიებს, სცემენ და შემდეგ თითონ შეუდგებიან ბილიარდზე თამაშს).

ზბდუფაშ. (აიღებს ჭიქას) ეს ღმერთმა აღდევრძელოს თედო შმიდტიშვილი, „კავკ. საზ.“-ის ყოფილი მოლარე, რომელმაც რომა უღალატა „კავკ. საზ“-ას და საზოგადოების ქონება ჩვენ გადმოგვცა, რომელიც არ გაყვა „კავკ. საზ.“-ს სამედიატორო სამართალში და გაექცა მას, ალავერდი! (სვამს)

ხმები: ამინ, იახშივერდი! (სვამენ).

შმიდტიშ. (ადგება, თავს დაუკრავს ეგექსს, აიღებს ჭიქას).

სტუდენტობამ რომ გამწირას,
დამიკეტოს ყველგან კარი,
მაინც თ ვენთან ყოფნა მიყვარს,
და თქვენთანა ქიფობა,
ამიტომაც სიმართლესა
გავექეცი მე ბევრჯელა! (სვამს)
(იმღერაინ „მადლობელი ვარ.“)

შემოდის ვასო გოთუევი.

ხმები: აა... ვასოჯან, ვასოჯან... ვასო მოდი აქ, ტულე სია!*) სადა ხარ ამდენხანს... აბა გადაკარი... (მიაწოდებენ ლუღს).

ზბდუფაშვილი. მიაწოდეთ არაყი, განა არ არის! კელნერ, ტულესია! კელნერ, კელნერ! (დაქიები ერთმანეთს ეხვეწებიან მისვლას რადგან ეშინიათ, აზბ-ი წამოფარდება, დაერევა მათ, ერთ, ორ მათგანს გააწინის სილას) მოიცა შე არამზადა! არაყი! რუტუ-რუტუ!**) (დაქიას ცახცახით მთაქვს).

ხმები: ვასო აბა გადაკა არაყი (ვასო დაღუფს და დაჯდება).

ხმები: ვასოჯან! აბა, ახალი რა იცი!

ვასო. რა ვიცი და ვილაც „კავკ. საზ“-ის წევრს გაუზგავნია აქედან ქართულ გაზეთში ყველაფერი, რაც ჩვენ ვილაპარაკეთ კრებებზე და ჩა-

ვიდინეთ; აბა, მიიხარით რა დასაწერია რალაცას აქ ჩვენ ჩავიდენტ?! დღეს სასადილოში წამაკითხეს თვით „კავკ. საზ“-ის წევრებმა. კიდევ კაი რომ ყველაფერი რაც ჩვენ სომხების შესახებ ვილაპარაკეთ, არ დაუწერიათ, თორემ...

ზბდ-ი. ვის დაუწერია.—რა დაუწერია... ვცემოთ ერთი მაგრათ ვილაცას რალაცა დაუწერია!

ხმები: ვაი, ბიჭო თუ ჩვენც ვწერივართ შიგ, რა გლაზაა ჩვენში რომ გაიგებენ.

სანდრუა. ვაი, ბიჭო! ჩემ სოფელში რომ გამოიგონ ერთ დღესაც არ გამაჩერებენ იქ. (ეგექსა მთიწექენს; რამდენიმე მთავანი ადგება, მოითხოვენ ხანქოს, დასხდებიან იქვე ახლოს, თამაშობენ; დრო გაიშვებით აიშლებიან).

(შემოდის დათო)

ხმები: ახ დათო. დათიკოჯან, მოდი ძმაოჯან, შენ გეცოდინება ყველაფერი ჩვენზე რალაც დაუწერიათ!

ზბდ-ი. აბა, ჯერ გადავკრევიოთ მაგას (დათას აძლევს ანაყს, კადაკანას, დაჯდება).

დათო. ეჰ... არაფერია. მაგისთანები რამდენიც გინდა იმდენი ჯღაბნოს ს. დ—მა გაზეთმა.

ხმები: (ცოტათი გამხსნევიით) რას ამბობთ, ჩვენ „ისარი“ გვეგონა! პროლეტარიატის გაზეთმა რაც უნდა ის ჯღაბნოს?? ხა-ხა-ხა-ხა (იციხიან).

დათო. აბა „ისარი“... პირიქით—ჩვენ გვიცავს პრესაში და ტყავს აძრობს კორესპონდენტს.

ხმები: აბა, რაფა გონიათ, ჩვენზე ნაკლებათ კი არ ძულთ მათ სომხები!

ზბდ-ი. კიდევაც გაუხარდებოდით ალბათ, ჩვენი საქციელი!

დათო. მაშ აკი სწერს „ისარიც“ პირველ დეკემბრის ნომერში მერე რა ვუყოთ რომ, სომხები ეჯავრებათ, განა სასირცხვილო აქ რა არისო!

ხმები. რას ამბობ ბიჭო! ოხ, მაგათ კი ვენაცვალე სულის კლაპიტონში.

ზბდ-ი. აბა, ძმებო! „ისარის“ სადღევრძელოთ სამ-სამ ჭიქა არაყი გადავკრათ! კელნერ!..

ჭეშმარიტ. ამხანაგებო, ღრმა სიყვარულის და თანაგრძნობის გამოსახატავათ, „ისარის“ სადღევრძელოთ გამოვცალოთ ღრმა თეფშებით სავსე ლუდი ჩიის კოვზით.

ხმები: თანახმა ვართ! კელნერ, კელნერ! ოცი ბოთლი ლუდი და თეფშები!.. (მთაქვთ, სვამენ იმღერაინ).

„ღედამ რომ შვილი აღზარდოს,
ე მაგრე ჩვენისთანაო!

დათო. ამხანაგებო! ხო, მართლა კიდევ, კინადამ დამავიწყდა, თანაც მოგვიწოდებს „ისარი“ ჩვენ, აქანაურ გრუზინებს,—პასუხი გავცეთ კორესპონდენტს. საქირაა კრების მოწვევა.

*) ესტ. მოდი აქ.
**) ჩქარა.

ხმები. კრება ახლა გავხსნათ. ხვალ არ გვცალია... დღეს... აქ, ახლა...

აბდ-ი. გაჩუმდით! კრებას ვხსნი! საქიროა გამოვთქვათ როგორ ვცემოთ კორესპონდენტს და რა პასუხი დავწეროთ მაგიერი.

დათო. მე უკვე მოვასწარი პასუხის დაწერა, მართალია თავიდან ბოლომდე ტყვილებით ავახსე, მარა რა გვენადლეება, „ისარი“ ყველაფერს დავგიბეჭდავს რაკი ასე... თანაც, რომ უფრო ვასიამოვნოთ ისრელებს, „კავკ. საზ.“ წევრებსთქვაჩავწერე— ილია ქავეჯავაძის სიკვტილი გაუხარდათ და ტელეგრამაც იმიტომ არ გამოგვიგზავნიათქვა, თუმცა ჩვენი ბრალი იყო სულა ცოდვილო! მე რო დავშალე ობსტრუქციით ამის შესახებ კრება გახსოვთ, — კრებამ, განურჩევლათ მიმართულებებისა ზიზილი გამომიცხადა და რეზოლიუციის სასადილოებში განოკვრა მიანდო თავმჯდომარეს...

ჭეშმარი-ი. კიდევ დავლიოთ, მეგობრებო, „ისარის სადღეგრძელოთ“ (სვამენ და „მრავალ-ჟამი-ეჩს“ იმდერან) აბა კიდევ ვინ დაწერს პასუხს.

ფადლ-ოფოვა. მე დავსწერ მეცნიერულ პასუხს, წერილს სახელათ დავარქმევ „ქეშმარიტებს“, შინაარს გავავსებ სიტრუით, ხასიათს მივცემ ღრმა ფილოსოფიურს, გავლანძღ-გავათახავ კორესპონდენტს, თანაც ნოტაციებს წაუკითხავ, ჩემსას მას ვეტყვი და გულს მოუკლავ, მაშ!

ხმები. ყოჩაღ, ყოჩაღ (ხანგრძლივი ტაშა).

ხმა: ჩემ წერილს სათაური ექნება: „უბრუნის პასუხი პრასა დანიახურია.“ (სიცილი და ტაშის ტეშა).

ხმები: ყველამ დავწეროთ, ყველამ, ყველამ მაგარი პასუხი!

(შემოდის გაიფხ).

ხმები: ახ გაიოზ! სადახარ კაცო ამდენხანს... გადაკრევიეთ ერთი მაგას (მიაწოდებენ, დაღვს) ახალი, რა იცი!?

გაიფხ. ეხ, თავი გამანებეთ თუ ძმახარ, მთელი დღე დავრბივარ და ერთი კაციც ვერ ვიშოვე სპევიკისთვის, არავინ თანხმდება; თქვენ თუ მართალი იყოთ არც „კავკ. საზ.“-ა გამოუცხადებდა თქვენს სალამოს ბოიკოტსო! თქვენ მოტაცეთ საშვადლება „კავკ. საზ.“ ღარიბ წევრებს სალამო დაედგათო. ამიტომ ჩვენც ბოიკოტს ვუცხადებთ თქვენს სალამოსო.

ჭეშმარი-ი. (თავზე ხელს იცემს) ვაი ჩვენ დღეს!.. სირცხვილო, რა ცუდია, ვაი, ვაი, ვაი, როგორ ვვაჯობებს!.. (ტირის) ვუი ჩვენ, ვუი ჩვენ... ვუი, ვუი ჩვენ!..

ალექსა. ნუ გეშინიათ, ძმებო! სულ დავივლი მე თვითონ ყველა ხულიგანებს, კორპორანტებს, შავრაზმელ სტუდენტებს და შევადგენ სპევიკას; სულ რომ დარწმუნებული ვიყო რომ კაპევიცი არ შემოვა, „კავკ. საზ.“ ჯინაზე მაინც ვავაწყობ სალამოს, ბიძაჩემი ეგერ არ მყავს, რომ მივწერ სულ ას-ასობით ჩამოვყაქვინებ—ფულებს. „კავკ. საზ.“-ს კი მშიერ წევრებს რიყებე დავტოვებ!

ჭეშმარი-ი. (ამხანკვსესით) პროფესორები რომ ვარს ამბობენ გამგეობაზე?

ალ. ეჰ, მაგის გეშინია?! განა ცოტანი არიან იურიევი ხულიგანი პროფესორები?!

(შემოდის კოტე გახარებული)

კოტე. მეგობრებო, მეგობრებო! გაიხარეთ, გაიხარეთ! (ხელში აქვს წითელი თუმნინები) „ქუთ. გუბ. ღარიბ სტუდენტ. დამხმარე საზოგადოებიდან მოგვივიდა დამხმარება აი, (აჩვენებს) ფულები. თუმცა „კავკ. საზ.-საც“ ქონდა გავზავნილი თხოვნა, მაგრამ მათ დიდივარი არტყეს!.. ვართ რაღა ბატები!

ხმები: მაშ, ვართ რაღა ბატები! სალამოსაც ჩვენ გავმართავთ, ჩვენი პატრიოტებისაგანაც ჩვენ ვღებულობთ დამხმარებას!

აბდ-ი. აბა, მეგობრებო, ვადღეგრძელოთ „ქუთ. ღარიბ სტუდ. დამხმარე საზოგადოება“.

ხმები. ვადღეგრძელოთ. ლუდი! ლუდი!

აბდ-ი. კელნერ, კელნერ ლუდი მალე! (კელნერის მკვიფრათ მოდის რესტორანის ჰატრანი).

მასხინმ. ბატონებო (შიშით) გთხოვთ მაპ... მაპატიოთ, მაგ... მაგრამ უკვე ღამის სამი საათია და... პოლ... პოლიციისაგან აღკრძალუ... ლი მაქ... დამშტრაფავენ.

ხმები. მოიტა მალე, მამაძაღლო.

მასხ. (ცხცხით) გეხვეწებით, გემუდარებით, ნუ დამლუბავთ..

აბდ-ი. ხმა გაკმინდე!

მასხ. ღვთის... გულ... ისათვის!.. ბატონებო! ნუ და...

აბდ-ი. (შეაწვევტანებს) გაჩუმდი შე არამზადავ! (მოკიდეებს ხელს და დახანარებს ატაკზე, მივლიენ, გამოიტანენ ჟუდს სვამენ, იმდერან, მასხ. ტირილით შესტყერის მათ).

„Вот ходить чаша круговая
До самой утренней зари
И слышенъ голосъ толумбаша
Алаверди, Алаверди“!

ხმები: აფხანაგ აბდულაშვილის სადღეგრძელო, აბა ძმებო.

ჭეშმარი-ი. (აღებს აჩაყით სავსე ჭიქას).

ძმაოჯან აბდულაშვილო!
შენისთანა „ქეშმარიტი“

*) უკაცრავათ პასუხია, მკითხველო, მაგრამ ამ სათაურით წერილი უკვე გავგზავნა „ისარს“—ავტორი.

განა არის ნეტა ვინმე!
 შენ და ჩვენ გვარ პატრიოტსაჲ
 გარწმუნებთ რომ ვერ შეხვდებით,
 გინდ მოლახით კილით-კიდე...
 შენ ხარ ჩვენი შელად-ხანი
 ლუდსა ბევრს სვამ, გძულს სომეხი,
 კულეებსაც *) ხომ რქითა სცემ,
 არ გეტყინოს რბილი ხელი,
 შენ სრულებით არა შრომობ
 თანაც სხვებსაც უშლი ხელსა,
 ზურაბისა დანავალებს
 ასრულებ შენც ყველაფერსა,

(სვამს— ალავერდი)

სმება: ამინ, იან შივერდი (სვამენ).

აბღ.-ი. მეგობრებო, ძმა-ბიჭებო!

მადლობასა მოგახსენებთ,
 მეტყობათ ჭეშმარიტბა
 გემჯდარი გაქვთ სრულათ ტანში
 რომ მოგწონვართ, თქვენც კი გატყობთ
 აბა, დამიკარით ტაში!

სმება: ბრავა, გაუმარჯოს (სვამენ, იმღერან).

„Я за любовь твою, твою!
 Всю жизнь отдамъ свою, свою!!
 Твой поѣхуй, душа моя,
 Султаномъ сдѣлаетъ меня.

(სიმღერის დროს შეყოფენ კორნუზანტები, გა-
 ჩერდებიან შორი-ახლო. ზნა მათში: Sie, das ist die
 neue grusinischn corforation **)—მიუხსლოვდებიან, მიე-
 სალმებიან, გადაკაცნიან).

კორნუზანტი. მეგობრებო! უკაცრავათ, გავი-
 გონეთ თქვენი ხმა და შემოვედით... ჩვენ ასაფლა-
 ვებენ ჩვენი კორპორაციის წევრს, რომელმაც, გე-
 ცოდინებათ, თავი მოიკლა რომანტიულ ნიდაგზე
 და თქვენც, როგორც ახალ ქართულ კორპორა-
 ციას გახვით მოხვიდეთ და დაგვამშვენოთ გვაპა-
 ტიეთ, თუმცა დღეს ხუთჯერ ვიყავით თქვენ თავ-
 მჯდომარესთან, მაარამ შინ ვერ, ვნახეთ (ქართველე-
 ბი მადლობ ს გადაუხდას, გადაკაცნიან და კორნუზან-
 ტები წაგვენ).

აბღ.-ი. აბა, ამხანაგებო! უსათუოდ ყველა
 უნდა დაგვესწროთ, მაგრამ რადგან ორი ჩოხა—
 ახალოხის მეტი არ არის, ასე უნდა მოვეწყეთ...
 გესმით... ჩვენი ჯგუფის თავმჯდომარემ და სეკრე-
 ტარმა ჩაიციან ბლუზები დი ზედ ჩოხები, თავ-
 მჯდომარეს გადავიდოთ ძვირფასი ვენოკი. ლენტი
 ხელში მივცეთ ჩიხტა—კოფტიან ქართველ კურსის-
 ტკას... ორმა ჩაიციას, გესმით, მეგობრებო... ახა-
 ლუხები და ზედ პალტოები (ხმა: ერთი ახალუხი
 წითელია) არა უშავს, დანარჩენებმა ბოხობები და
 ბაშლიყები დაიხურონ... გესმით... მე რადგან არ

*) კულე—ესტონელი ტეტიანა.

**) დიხ, შეხედეთ, ეს არის ახალი ქართული კორპო-
რაკია.

მცალი ხვალ ე. ი. ხვალაც აქ ვიქნება, ვერ და-
 ვესწრები, ჩემ მაგიერობას იკისრებს ჭეშმარიტაშ-
 ვილი... მეგობრებო კარგი პლანია ხომ?!

სმება: კარგია, კარგი.

აბღ.—ი. ახლა, წარვიდეთ და ვინახულოთ „კავ-
 საზ.“ის თავმჯდომარე და კორესპონდენტიც, ის
 ვილაც რალაცაც, ვინახულოთ და...

ჭეშმარიტაშგ. შემდეგ კი ძმაბიჭებო! წავიდეთ
 იქ სადაც რომ ჩემი გრეთხენ არის!

(თანაც მღერის)

„გრეთხენ, გრეთხენ, ჩემო გრეთხენ!
 მაკოცნიე მხოლოთ ერთხელ,
 ტერე—ტერე, ტახ, ტახ, ტახ, ტახ“
 შენი კოცნა ვახ, ვახ, ვახ, ვახ!“

(გავლენ ხმაურით, ყვირით და სიმღერით)

„Съ виномъ мы родились,
 Съ пивомъ мы умремъ“.

ფ ა რ დ ა .

Peifische.

* * *

ერთსა სადამოს,
 მეტათ საამოს,
 როს მთვარე ლაყვარდს დინჯად აბობდა
 და ვარსკვლავთ კრება,
 ტურფა მშვენება
 ღამისა გუშავს უხვად ამკობდა,
 ზღვა აღარ ჰქუხდა,
 აღარა სქექდა
 ზვირთსა ზვირთებზე სულ არ ისროდა,
 დიად ბუნებას
 უცხო მშვენებას
 გაჰყუჩებოდა აღარ იძროდა.
 ბულბული ეშხით
 ციური ხმებით
 სიყვარულისა ჰანგზე დამღერდა
 ყოველის გული
 ბედით არ კრული
 ამ სანახავით სტკებოდა, სძგერდა....
 მე-კი ობოლ ქმნილს,
 უმწეოდ შთენილს
 მის სიდიადე სულ არ მხიბლავდა
 ნაკადის სობოლა,
 ან სიოს ქროლა
 სულ სხვა გვარ გრძობას ის ჩემში აღძრავდა.
 სიმართლის გმობას,
 ძმობის ვარყოფას
 მას მომძახოდა შფოთი გონება
 ტანჯულ ქვეყანას
 ყოველსა ხანას
 ელისო მარად ტანჯვა წვალება.
 მაგრამ უცბათა
 ზეციურ ძალთა
 მსწრაფლ განმითანტეს შმაგი ფიქრები

*) ტერე (ესტონ-ურათ) ღ ტახ (გერმანულათ)—ბამარჯვებაა.

და ხმა ნარნარი,
 ვითარცა ქნარი
 გულს ჩამეწვეთა „ხალხის იქნები,
 ნუ განდგომილხარ,
 ნუ დაერდომილხარ
 ქულს ნუ მოუხრი ეამს შავ-ბედ ღლიანს
 გასწი ხალხშია,
 ძალა მათშია
 მამაცობით გზას განვლით ეკლიანს.“
 ფიქრი ეული
 იქმნა ძლეული
 ხმა ზეციური გულს აღმებეჭდა
 და ხალხთან ერთად,
 მათსავეებრ მედგრად
 ოგახიანი ჩემი ხმაც სქექდა.

დ. თურდოსპირელი.

ს ი მ ლ ე რ ა

(დ. გურამიშვილის ხმაზე)

სვარგანია, მგანია, ეს სატუყა გასვანია:
 ვის ზრუნვას მუდამ შეადგენს „საქმენი სკამირანია“,
 ვინც რომ მეტობრებს განუღდა, რაკი იცვალა დრონია,
 მტრების ბანაკში გადავიდა, და იქ მონახა ფონია,
 მომენი თვისნი გაჭეუდა თავი კი „კაცი“ ჰგონია,
 ვისაც რომ წინად არაფრის შეძლება არა ჰგონია,
 ახლა კი ვეღარ ინძრევა, ისე ერევა ქონია,
 რაცა აქვს, იგი უოჯედი. უაღბი გზით თუ უშონია,
 თორემ სწორი გზით არც ვლიდა, არცაწი ივლის მგონია,
 ვისიც ჰირადი ღირსება ქანქარზე ანაწონია, —
 იმას მოუხდეს მათრახი (იკურთხოს მის მომგონია!),
 გადაერას, ტუავი გადაძერეს — საქმეა მოსაწონია —
 ზოდ-ზოდად აჩნდეს მთელ ტანზე, არ-ცოტა, სულ
 დიდრახია,
 ვერა შეედიდეს მას ვერვინ: ტარიულ, ვერც ფერიდონია.


ჭირივე შენი მათრახო, საქმე გვაქვს, უჭ; რამდონია:
 შენგან გასწორდეს მგავალნი ბილწი და გზა-მრუდონია!
 გურჯი.

„ეზიპოსის მათრახის“ ფოსტა

საჯოგადოთ. პრავინციალური ცნობები, რომელნიც
 ბაზეთში ვერ დაიბეჭდება აღარ ინახება. აგრეთვე ყველა და-
 უბეჭდვნი წერილის ფოსტაში გამოცხადება მოუხერხებელია
 ადგილის სიცოტავი ა გამო.

ქუთაისი. რაგადანს, თქვენი წერილი არ დაიბეჭდება.
 მათრახის კულს გამოგიგზავნით დომენტისათვის თუ რამეს
 უშველის.

ჯონიშხ. ვეღარ იხილეს მზის სხივი
 იმ თქვენმა „აკროსტიხებმა“.
 რადგანაც დაგალალატეს
 შინაარსმა და „სტიხებმა“.



სანამ მქონდა ფულები
 ვჭამე საჭანურები,



დამელია ფულები
 ჩამოვეარე ვურები.

საეურნაღლებოთ:

ვთხოვთ ხელის მომწერლებს და აგენტებს დღე-
 იდან დროებით შემდეგ აღრესზე გამოგზავნონ ყურ-
 ნალის ფული: Тифлиς, Типография „Шрома“, Ме-
 литону Нодия.

რედაქტორ-გამომცემელი თ. ე. ბოლქვაძე